



Meghalaya sorkari DC tem
nem tetuyuba agütsü



Unnati Hooda-i Sindhu
tsükdaktsüogo...

VOL. XXII ISSUE NO. 280 (ADOK 280) DIMAPUR

ROGONÜ (FRIDAY)

CHITENI (JULY) 25, 2025 ₹ 5.00

Illegal immigration tebilemtsü ya tang tasen masü: AKM

Dimapur, Chiteni/July 24 (TYO): Northeast India nung illegal immigration tebilemtsü ya tang tasen masü. Anungji Assam sorkari tang illegal immigrants aridokba ya taoksatsü mapa ka masü aser item drives sülen tensa tia balala ajurudang Nagaland sorkar mesüra nüburtem merenemi lira, ajibo taktsü mapa asütsü, ta Ao Kaketshir Mungdang (AKM) sangdong ka ajanga ashi.

Mokokchung nung 2007 küm nungi AKM-i anir illegal immigrants anema nokdaka arur. Ibai Mokokchung nung aser Nagaland nung lisopur temeden wazüka ayutsüba nung tera yanga lir. Illegal immigration dak timtem keta aliba ya asangsang lir aser iba timtem nungi lisopur wazüka aser kumzüka ayutsü temulungtetba nung AKM lir, ta sangdong ajanga ashi.

Assam nung evection drive tenzüka sülen Nagaland sorkar saksalemba AKM-i pelashishia

agizüker, aser kasa mapang sorkar agencies aser law enforcement nungi mapa shidak inyaktsü imlar.

Illegal immigrants tem district telungi aitba nokdangtsü mechi Mokokchung district administration ajanga Assam den arütsü ajunga shibangtsü imlar. Mokokchung district tesem mashi nung illegal immigrant kar danga senzüba lazüknungbo AKM-i itangjisa mera agitsü aser iba sülen maginüba tensa kar adokra District Administration khuret asütsü, ta AKM sangdong ajanga ashi.

Kasa mapang AKM-i nüburtem dang saksalema alitsü ayongzüker, kechiaser illegal immigration ya lisopur maitsü, sobaliba, ali, nüburtem aser takum alitsü asoshi timtem lir, ta ashi.

Maneni AKM kübok tsükong/ unit ajunga dang saksalema alitsü aser 'Survival Mokokchung' campaign akangshia inyaktsü ayongzüker.

PMGSY kübok Nagaland atema sen 2.25 crore agütsüogo

Dimapur, Chiteni/July 24 (TYO): Pradhan Mantri Gram Sadak Yojana (PMGSY) kübok Central Assistance atema financial year 2025-26 asoshi Administrative Fund first instalment indang first tranche ama Nagaland nem Ministry of Rural Development ajanga sen 2.25 crore agütsüogo.

Yangji state share sen 0.25 crore alitsü. State sorkari iba sen den state share ya anogo 30 tsüngta Nagaland Rural Roads Development Agency (NGRRDA) dangi yoktsüla.

Central share ya anogo 30 alema State Nodal Agency indang account dangi transfer mesütsüra, tetemlok küm nung shilem 7 agitsü.

DoNER aser NEC projects tem mapang shidak nung renemtsü ajungshitep

Dimapur, Chiteni/July 24 (TYO): Ministry of Development of North Eastern Region (DoNER) aser North Eastern Council (NEC) kübok projects balala inyakba reprangshitsü aser asadangtsü asoshi senden ka Deputy Chief Minister, T.R. Zeliang mendenpuba sür Chief Secretary indang Conference Hall, Kohima nung Brehostibarnü mena lasü.

Iba senden nung Deputy CM-i project balala inyakba department tem dang mapang talangka nungi merenemi anendaka aliba projects tem renemtsü asoshi temulung agütsütsü nüngdaker ta ashi aser project karbo küm ter dak tema merenemi anendaka lir ta ashi.

Tang financial year nungya 15th Finance Commission tembanger, anungji Ministry ajanga lemozüksüba sen amshitsü kanga tongtipang, ta pai ashi.

Senotsü mamshimaba lira taruba fiscal year asoshi 16th Finance Commission kübok funding pattern nung kongshitsü.

Iba senden nung NESIDS (OTRI), NESIDS (Roads), aser NEC kübok "Distressed" category nung aliba projects 26 reprangshia lasü. Sen agüjaka merenemtetba project kar asoshi Ministry of DoNER ajanga State sorkar dang project renemtsü mesüra project anener sen ajunga meyiptsütsü shia lir, ta Deputy Chief Minister Zeliang-i ashi.

Danga project tem mapang tasen latettsüshiba nung renemtsü temulungtetba nung mapa kuma inyakba department tem dang item anogo shidak nung renemtsü Zeliang-i totuyuba agütsü, kechiaser parnoki final completion schedule ya Ministry nem metetdaktsütsüsa akumtsü ta ashi.

Kasa senden nungya taoba

CM Dr. Rio-i arütsü kanga junga mittsü tuyur

Dimapur, Chiteni/July 24 (TYO): Chief Minister, Dr. Neiphiu Rio-i administration, police aser enforcement agencies ajunga dang state telungi illegal immigrants aitba putettsü aser meyipa yoktsü asoshi nüngdakba mera ajak agitsü totuyuba agütsüogo.

Brehostibarnü Kohima nung Chief Secretary, Director General of Police (DGP) aser sorkar ketdangsür aser Police tanishirtem den senden ka amenba mapang pai agencies ajunga saksalema alitsü aser state indang arütsü kumzüka ayutsü nüngdakba lemsatepa lasü.

Rio-i nübur ajunga dang aser talisa kin balala lenirtem dang enforcement authorities den akok tashi amalitep akatsü aser saksalema alitsü ayongzüka lasü. Nagaland tejangraba aser security kumzüka ayutsü atema

nüburtem aser sorkar agencies tsüngta teka amteper inyaktsü tongtipang lir ta pai ashi.

Nagaland arütsü kumzüka ayutsü aser ozüng alema aiteritem nokdangtsü atema nüngdakba mera ajunga agitsü state sorkari temulungtetba nung lir.

Commissioner of Police, Dimapur; Superintendents of Police aser Commandants tem dang district administration den shisa lemsatepa senden amentsü totuyuba agütsüogo, ta senden nung DGP ajanga metetdaktsü.

Arütsülen aliba Police Stations indang Officers-in-Charge (OCs) tem dang yimtsüng ajunga semdanga putu menden aser yimtsü-yimbo den senden amentsü aser nisung tasen aiteritem Police aser District Administration nem

osang agütsütsü mapa nungloktsüogo. SPs ajunga dang anogoshi osang Additional Director General of Police (Law & Order), Nagaland nem agütsütsü shiogo.

Chief Secretary-i yimtsüng shia Inner Line Permit (ILP) indang register amshitsü tongtipang lir, koba putu menden ajanga ketdang asütsüla, ta nenshia ashi.

Illegal immigrants südi ta temulung melempi aliba aser mejangjaba nisungtem yimtsüng telungi aitba osang tekeraba nung district administration aser police nem agütsütsüla. Temelaba makai state telungi bendanger aitba nungi nokdangtsü asoshi state sorkari stakeholders ajunga den teka amteper inyaktar aser border patrolling tesashiba kumogo, ta pia ashi.

Landlord-Tenant registration system tenzükan: NSF-ILRC

Dimapur, Chiteni/July 24 (TYO): State tesem ajunga nung Bengal Eastern Frontier Regulation, 1873 kübok Inner Line Pass (ILP) system takok ngua mapa kuma amshiba nung yarisemtsü asoshi Naga Students' Federation- Inner Line Regulation Commission (NSF-ILRC) ajanga state sorkar dang Landlord-Tenant

Registration system ozüng ka ama amshidaktsütsü ayongzüker.

Nagaland Chief Secretary dangi shiti ka züluba nung NSF-ILRC ajanga ashiba agi, landlord-tenant registration framework yagi non-local nem ki para magütsüdang parnok indang ILP jenjang jangjatsü asoshi ki kibur khuret südaktsütsü ta ashi. Iba ya ajanga ozüng amshiba agency temi district aser municipalities balala nung non-local nisungtem aliba database tejangja metettsü.

Iba ya ajanga ILP bena alir mapang süia aliba mesüra talisa tang Assam nung inyaksangshiba ajanga illegal immigrants arua aliba putettsü, aser state telungi aitba sülen 'informan housing or rental arrangements' nung meputeti IPL bena alirtem jenoka aliba metettsü.

Home Department, Law & Justice Department aser local police den teka amteper state tesem ajunga nung Landlord-Tenant Registration System amshitsü asoshi sorkari sangdong agütsütsü mesüra tapet mera agitsü Committee ajanga ayongzüka lasü.

Online ILP portals aser QR-code based verification amshiaka, nija mesüra 'informal rental accommodations' nung ILP bener alir mesüra ILP nung aibelenertem aliba memetetba yong urban aser peri-urban areas nung iba ozüng mapa

kuma amshiba nung tapok lir, ta ashi.

Landlords temi tenants ajunga, aser talisa non-indigenous nisungtem aliba indang anasatiba police station, municipal authority mesüra designated online portal nung register asütsü atema sorkari system ka sangdongtsüla, ta Committee ajanga ashi.


Registration ya ki tila, khi asoshi yangluba ki, makeshift rooms aser informal housing nung alirtem, talisa urban aser peri-urban areas nung agitsüla.

Registration mapang Inner Line Pass (ILP), Aadhaar mesüra identity proof tejangja aser ki kibur aser para nung alir indang contact tejangja agütsütsüla.

Non-local tenants tem register masübam tenants indang osang tejangja miimshiba mesüra ILPs maliba nisungtem lidaktsüba asoshi ali/ki kibur nem temerenshi agütsütsü mechanism tajung alitsüla. Temerenshi nung senchi achiba, rental rights khi atema agientsüba mesüra tanen makai mesüra asaa aibelener nem ozüng kübok temerenshi agütsütsüla.

Tang aliba online ILP system den iba landlord-tenant registry ka kuma loktepba ajanga enforcement agencies temi mapang shidak nung jangajtepa aser ketdang sütettsü, ta NSF-ILRC ajangasa shiti nung ashi.

DGC nung Science Stream tenzükogo



Dimapur, Chiteni/July 24 (TYO): Alizüng tasen ka tongteta Dimapur Government College (DGC) nung 2025 küm July session nungi Science Stream benokogo. College nung Arts aser Commerce Stream bo tenzüker liasü aser tang Science Stream benokba ajanga iba college ya Nagaland nung multidisciplinary college ishika aliba rongnung ka kümogo.

Science Stream nung tang Mathematics aser Physics nung Major course agütsür aser Chemistry aser Computer

Science nung minor course agütsüdar. Tarutsü nung course tasentem bendenloka aotsü imlar.

July 22 nü bendanga agütsüba sentong ka Science Block nung agia liasü. Principal, Dr. T. Tiakaba Jamir-i kaketshirtem (ajak senteper parnok 38) aser faculty tem pelashishia agizük aser DGC indang otsü tasen ka yangluba atema parnok nem tenünsang agüja liasü.

Paisa, mapang talangka nungi nüngdak ta bilema aliba ama Science Stream

tenzüktettsüsa teyari agütsüba atema kanga pelaba lemsatepba den department officer aser DGC stakeholder tem danga parnok teyari asoshi pelaba lemsatepa liasü.

Iba sentong nung kaketshirtem, staff, faculty tem aser Temjensoba Longkumer, PA to Hon'ble Minister; IQAC Coordinator Dr. Vinyuhu Lhoungu; Moamongla Aier, Assoc. Prof; & N. Sentinungla Pongen, HoD of dept. of Philosophy nunger densema ketdangsürtemi shilem agia liasü.

Chathe ayong küm kümzüka ayutsü jenjang agir

Dimapur, Chiteni/July 24 (TYO): SeithekeBasa nung Chathe ayong küm anenzüka aoba dak sendakba nung District Disaster Management Authority (DDMA) Chümoukedima-i, tzi tashi agi ayongküm aponger aoba kümzüka ayutsü atema jenjang agi tenzükogo.

Extra Assistant

Commissioner, Seithekema Office sangdong ka ajanga ashiba agi, ayong küm kümzüka ayutsü atema jenjang agiba mapang Nagaland for Christ Prayer Centre anasa long amshia mapa inyakdar. Ayong nung tzi kanga sashia ayimba ajanga long bener gari tulutem SeithekeBasa lenmang ajanga mapa inyakba

tesem tonga moteti timtemdar.

Iba dak sendakba nung long abenba garitem 5th Mile Model Village ajanga iba tesemi aotsü asoshi telemtetba agiogo. Maparen mapang shitak nung takok ngua inyakyonga aotsü atema SeithekeBasa aser 5th Mile Model Village Village Councils dang DDMA, Chümoukedima den teka amteper inyaksü mepeshia metetdaksüogo.

Mkg nung Design Development Workshop kaogo

Dimapur, Chiteni/July 24 (TYO): Design Development Workshop (Banana Fibre-Craft) koba Deputy Commissioner, Mokokchung, Ajit Kumar Verma IAS-i June 24 nü tenzükja liasü, iba Workshop ya July 23 nü DIC, Mokokchung nung takok ngua tembangogo.

Iba training sentong ya anogo 25 agi, kong artisans 30 nem Banana Fibre Craft dak sendakba nung design development training agütsüogo. Iba workshop ya Development Commissioner, Handicraft Kohima, Ministry of Textiles, Government of India aser District Industries Centre, Mokokchung na longjemer agia liasü.

Workshop shibangba sentong ya EAC probationer, Sangtsui, NCS aser Kato T Aomi, NCS nati moaja liasü. Iba workshop ya Ministry of Textile nungi empanelled designer Ashwani Singh aser Master Trainer, Alila nati achaayanga agi.

BJP Morcha tekolaktem shimogo

Dimapur, Chiteni/July 24 (TYO): Bharatiya Janata Party national tir JP Nadda nungi temelaba anguba sülen BJP Nagaland State tir Benjamin Yephthomi-i, 2025-2028 tenure atema BJP Nagaland State indang Morcha tekolaktem shimogo.

Lokti inyakyim nung terenlok ajanga, tekübokba jenjang nung lenisüba tashi itshidaksütsü aser state kübok nüburtem tongjema aotsü atema party bendanga agütsür aliba sayur,

BJP Nagaland-i, tang shimba Morcha tekolaktem nem tenünsang agütsüba den parnok tenure takok nung agotsü imlaja ataba lemsatepogo. Party-isa, BJP

indang principle tem tejakdangi bener aotsü atema parnok sempet dak tamang akaba lemsatepba den Nagaland nung aliba nüburtem nendaka aser bendanga agüja tenzüktsü imlaba lemsatepa liasü.

Morcha tekolaktem:

1. Yuva Morcha : Mr. V. Khekato Awomi
2. Mahila Morcha :Mrs. Tsachola Rothrong
3. ST Morcha. : Mr. Thomas Magh
4. Kisan Morcha. : Mr. Imnanungsang Lemtur
5. Minority Morcha: Mr. Ankit Jain
6. OBC Morcha. : Mr. Prabhakar Yadav.

Conference cum Training Hall semzükogo



Dimapur, Chiteni/July 24 (TYO): Nagaland Handloom & Handicrafts Development Corporation Ltd. Half Nagarjan, Dimapur indang Conference cum Training Hall yanglushir aliba Chairman, NHHDC Ltd Prasielle Pienyu-i July 24 nü semzüksüogo.

Iba sentong nung ER. Y. Lipongse Thongsar, Managing Director, NHHDC Ltd aser Additional Director, Industries & Commerce, Govt. of Nagaland aser NHHDC Ltd Officers aser Staff temi shilem agia liasü.

Sentong nung o jembiba mapang mendenbubai, sütaker aser artisan tem sobaliba aser lokti libaren ajungkettsütsü atema nükjidong yur aliba

ataloktsü atema ajak longjemer inyaksü koda tongtibang iba indang lephshia metetdaksü.

Conference cum Training Hall semzükba sentong den repsema officer aser staff tem shisatsü terenlok atema Seminar cum Workshop ka ayongzüka agiogo. Workshop mapang business concept angatetba, shishilembaba, Handloom aser Handicrafts oset aser iyakyim dak sendakba nung tetsü tebou mapa nungi benschia aruba shisatsütem wazüka ayutsü koda tongtibang aser Handloom aser Handicrafts sector dak sendakba nung sorkar scheme balala indang tangazükba agütsütsü asoshi jenjang agiba amala onüktem ayimjema liasü.

AWUMT presidential Council senden amen

Dimapur, Chiteni/July 24 (TYO): July 21 nü Mokokchung Times nung "When development becomes a lie: Inside Mokokchung's LADP files" ta nüngja agütsür ocet ka adokba dak ajemdaker All Ward Union Mokokchung Town (AWUMT) Presidential Council senden ka July 22 nü mena osang kakat nung adoktsüba onük dak ajemdaker sensaksema liasü.

Senden nung Mokokchung jila kübok kiyong 18 prongla nung Local Area Development Programme (LADP) aser tanga terenlok maparen ajak ya local ward ketdangsürtem den tongtepratepba sülenang inyaksü bangjema liasü.

Maneni senden nungsa, Mokokchung jila kübok kiyong 18 prongla nung LADP aser tanga terenlok maparen achaayangba aser completion certificates agütsüba ketdangsürtemi nendak nendaka inyaksü bangjem. Mapang tatsüka lir ken o kar danga adokra iba khureji issuing authority khuret asütsü.

AWUMT-i ashiba agi, Mokokchung jila kübok kiyong 18 prongla nung LADP aser tanga terenlok maparen ya nüburtem ajangzüksü atema lir. Local ward ketdangsürtem ya immediate stakeholder tem asünung ken o ajak parnok den asüngdangteptsüla.

Kohima DC-i coordination senden ayonger

Dimapur, Chiteni/July 24 (TYO): Kohima Deputy Commissioner B. Henok Buchem-i sangdong ka ajanga, August 15 nü 79buba Independence Day anogomung nüngdem nung NGO temi Home aser Institution tem semdangsü aliba dak sendakba nung July 28 nü 2 ako nungi tenzüka DC Conference Hall, Kohima nung coordination senden ka amentsü ta metetdaksüogo.

Iba dak sendakba nung President, Nagaland Contractors & Suppliers Union;

President, Puliebadze Club; President, Lions Club; President, Royal Club ; President, Classic Club; President, Rotary Club; President, Gorkha Public Panchayat, Kohima; President, Hindu Kalyan Samithi, Kohima; President, Indian Red Cross, Nagaland State Branch; President, Kohima Chamber of Commerce & Industry; President, Kohima Masjid Committee; President, Nagaland Motorcycle Club nunger dang senden nung arua shilem agitsü mepeshia metetdaksüogo.

Coffee Plantation & Management training agiogo

Dimapur, Chiteni/July 24 (TYO): Department of Land Resources, Mon, Government of Nagaland aser Coffee Board of India na longjemer July 22 nungi 24 tashi Coffee Plantation & Management training sentong ka ayongzüka katsüogo.

Mon district nung Tobu, Chen aser Phomching block kübok coffee tsünüba yimtsüngtem asoshi Sheanghah Tangten yimtsüng nung iba sentong ayongzüka katsüogo.

Training sentong nung

shisalen sayurji Imti Imchen, AEO aser Coffee Board nungi Kayia Ch Arche, JTA na liasü.

Training mapang, coffee nursery management, field planting techniques, bush management, harvesting, post harvest management dak sendakba nung tangazükba agütsü aser iba den field demonstration aser inyakdangba ajanga tangazükba agütsüba densema liasü. Ajak senteper iba training sentong nung coffee tsüner parnok 210-i shilem agia liasü.



July 24, 2025 nü New Delhi nung Parliament kima Congress MP, Sonia Gandhi leniba nung opposition party balala nungi MP temi Bihar nung special intensive revision (SIR) anema longkak aitdang tangokba noksa nung angur.

India aser UK nati FTA tezüngzüktep agiogo

New Delhi, Chiteni/July 24 (Agencies): Brihostibarnü London nung Ato kilonser Narendra Modi aser UK Ato kilonser, Keir Starmer na senden amenba sülen Union Commerce Minister Piyush Goyal aser UK Commerce Minister, Jonathan Reynolds nati India aser UK na tsüngda Free Trade Agreement (FTA) tezüngzüktep agia sign süogo. Free trade agreement agiba

ajanga linük ana tsüngda osettsüset balala nung saru ajemtsü aser iba tezüngzüktep agiba ajanga linük ana tsüngda tesendaktep tajungba akümtsü imlar.

Tezüngzüktep agiba mapang nungji India External Affairs Minister S. Jaishankar aser UK Chancellor Reeves nata liasü.

Tang alima nung rongsenkettzüng tulutiba

linüktem rongnung India ya jenjang 5buba nung lir aser UK ya jenjang 6buba nung lir.

Linük ana tsüngda FTA tezüngzüktep agitsü osang ya taküm May ita nung sangdonga liasü.

UK aser India na tsüngda FTA atema tesüiba küm asem tashi jembia aruogo, ajisüaka UK nung taoba Conservative sorkar kübok iba tezüngzüktep magiteti liasü.

Karnataka nung Sept. 22 nungi tenzüka Caste Census agitsü

Bengaluru, July 24 (Agencies): Brihostibarnü Karnataka Chief Minister, Siddaramaiah-i, Karnataka sorkari state nung caste census (Social & Educational survey) agitsü; caste census ya September 22 nungi October 7 tashi agitsü, ta metetdaksü.

October ita tatembang tashi nung iba report agüjang, ta Karnataka State Backward Classes Commission nem tetuyuba agütsüogo.

Iba report nungji ajemdaker taruba state budget renemtsü.

Bodhbarnü senden ka nung chief minister Siddaramaiah-i, iba survey nung tashishiba kecha malitsüsa aser shinga mezüngdoktsüsa kanga kümdanga iba survey agitsüla, ta ashi.

"Tamalen Kantharaju

Commission-i tasüngdangba 54 renema iba survey agia liasü. Tangbo iba survey nung lenla aika bendenloktsü. Tangbo mobile app ka amshia iba survey agitsü," ta chief minister-isa metetdaksü.

State sorkarisa ketdangsertem dang, kidanger state Telangana nung loktiliba aser shisaliok census agiba inyakyim asadangang, ta metetdaksüba den külemi survey maparen ajak achaayangtsü atema high-level committee ka tentettsü telemetba agiogo.

Iba survey ya scientific yimya nung agitsüla aser inyakyim teladak asütsüla, iba denji külemi survey nung tasüngdangbatem bendenloktsü atema mongintem teyari

agitsüla, ta pai ashi.

Iba survey agitsü atema enumerators lakh 1.65 nüngdaker, aser survey tasenba nung tesayurtem den tanga department balala nung inyakertem amshitsü, ta Siddaramaiah-i metetdaksü.

Chief Minister-isa iba survey takok ngua agitettsü atema department ajaki amalitepa inyaksüla, ta metetdaksü.

Iba senden nungji Backward Classes Welfare Minister Shivaraj Thangadgi, State Backward Classes Commission Chairman Madhusudan R Naik, state Chief Secretary Shalini Rajneesh, Chief Minister indang Legal Advisor aser MLA Ponnanna aser department balala nungi tongti ketdangsertem aika densema liasü.



Patna, July 24, 2025: Brihostibarnü Bihar state assembly kima RJD lenir Rabri Devi den party lenirtemi Bihar nung Special Intensive Revision (SIR) anema longkak aitdang tangokba noksa nung angur.



OFFICE OF THE
MONGSENYIMTI KAKETSHIR TELONGJEM
MOKOKCHUNG, NAGALAND

K honang N üngsang Agütsür



Kr.Imtsüngkümla



Sb. Sanipong Pongen

Shisaliok bushiba wadang nung meranga aser nendaka azüngba tejang tangteta takok naroküm tulu ajangzüktetba asoshi item kaketshirtem nem asen Mongsenyimti Kaketshir Telongjem (MKT)-i tenüngsang tetushi tulu agütsür.

1. **KR. IMTSÜNGKÜMLA** Wb. Aosenba aser Wt. Imrongtula na jala, Fazl Ali College, Mokochung nung azünger lai Top 1 (CGPA 6.66) Department of Philosophy nung jenjang ajangzüktet .

2. **SB. SANIPONG PONGEN** Wb. Pongensashi aser Wt. Sashimenla Jamir, Jubilee Memorial College, Mokochung nung azünger Pai Top 5 (CGPA 8.19) Department of Economics nung jenjang ajangzüktet.

Iba den külemi asen MKT züngsem kaketshir shirnokisa 2025 Nagaland University UG (CBCS) tatidangtem nung takok tajung ngutetogo nenok ajak nem MKT-i tenüngsang tulu agütsür aser nenok tarutsü wadang ajak nung takok ngua aniang ta sarasademtsür.

Sd/-
Sp. Tsüngremketba Ozükum
Tir, MKT

Sd/-
Kr. Nongtetola Jamir
Tongti Zülur, MKT

AI tayimtsü tsükokba sülen pilot aikati shirangba sodi meshi

New Delhi, July 24 (Agencies): Taoba ita Ahmedabad nung Air India tayimtsü tsükokba sülen pilot aikati shirangba kuli nung ajemdaker 'leave' meshia liasü.

Brihostibarnü Lok Sabha nung tasüngdangba ka langzüdang Minister of State for Civil Aviation, Murlidhar Mohol-i, AI tayimtsü tsükokba sülen pilot temi shirangba nung ajemdaker leave agiba kanga bulua aküm, ta metetdaksü.

June 16 anogo kija nunga Air India commanders 51-i shirangba nung ajemdaker mapa nungi sodi meshia liasü, ta minister-i metetdaksü.

"AI-171 tayimtsü tsükokba lendong atalokba sülen pilot temi 'sick leave' agiba kanga bulua aküm. 16.06.2025 anogo kija

nung pilot 112-i parnok shiranger, ta metetdaksa sodi agi. Commanders (P1) 51 aser First Officers (P2) 61-i shirangba osang metetdaksa sodi agi," ta Union minister-i tezüluba nung telangzüba agitsü.

June 12 anogo nung Ahmedabad nungi Air India indang Boeing 787-8 tayimtsü apusoba sülen minute ka majungdang tsükokba lendong nung tayimtsü nung mena alir nisung 241 asü aser ali nung alirtem densemabo nisung 260 asü.

Ano tanga tasüngdangba ka langzüdang Minister of State for Civil Aviation-i, tayimtsü tsükokba ajanga alilen alirtema takoksa anguba atema senotsü temenok agütsütsü atema Ministry policy nung mali, ta metetdaksü.

2025 Safety Index: India nung yimti tajungtibaji Ahmedabad lir

New Delhi, July 24 (Agencies): 2025 Numbeo Safety Index nung India nung sensotem küzmüka aliba yimti tajungtibaji Ahmedabad lir; Ahmedabad-i Safety Index score 68.6 angu.

Ano alima nung Safety Index nung yimti 279 nungi Ahmedabad ya jenjang 77buba nung ang lir.

Numbeo-i yimti balala nung ozüing alema inyakbatem survey agia iba Index ya renemer.

Alima nung Safety Index nung Jaipur ya jenjang 96 buba nung lir aser India nungbo jenjang tanabuba nung lir; Safety Index nung Coimbatore jenjang 112buba nung lir,

Chennai jenjang 123buba, Pune jenjang 129buba aser Hyderabad jenjang 139buba nung lir.

Numbeo 2025 Global Safety aser Crime Index nung India nung aliba yimtittem rongnung jenjang kanga teküboklen aliba yimtittemji yamai lir: Gurugram - Rank 209 (Safety Index: 46.0) (Crime Index: 54.0), Bengaluru - Rank 211 (Safety Index: 45.7) (Crime Index: 54.3), Noida - Rank 214 (Safety Index: 44.9) (Crime Index: 55.1) aser Delhi - Rank 234 (Safety Index: 41.0) (Crime Index: 59.0).

Alima nung Safety Index mezüngbuba jenjang nung aliba yimti Abu Dhabi yimti lir.



TIR YIMYIM YIMOBILEM (EDITORIAL)

DIMAPUR

ROGONÜ

CHITENI 25, 2025

Asenoki tsümartem melentsüla

Asen lima nung asenoki asenok inyaksü mapa mangur saka tsümartembo India tesem balala nungi dang masü saka Bangladesh nungi dena Nagaland nung arua mapa ngua inyaker. Aji oda, asen lima nung Bangladesh nung asangur chanu kati ita nung sen meyrirjang terti aar aser Bangladesh nungersa asüyonga kisüjensü metetba taintemibo ita nung meyrirjang semer dak tali aar . Ibaji asen lima nung asen nisung aika asoshi parnoki anguba ita sen dang nungi teimba asütsü. Itemji kisüjensüba nung ayangertemi aaba indang jembir saka asen lima nung second hand süoshi ayokba nungi tenzüker mozü, tsüngsem, chipo aonpo aser electronic osettem ajak Muslim nung Bengali oshi jembirtemi ayoker. Itemji aika Bangladesh nungi arubatem lir, kechiyong Assam nung aliba Muslim-temibo Assamese jembitsü aser kasaji Bihar nung aliba Muslim nungertemia Bihari jembir. Anungji, Muslim nungertemsa süaka oshi nungji India nung asü, Bangladesh nung ta asüba jagi bendanger. Tang Assam government-i Assam nungi Muslim nungertemi ali atsünga agiba aridokba mapa nung yaa oshi agi dang parnokji Assamese nung masüa ta bendangteter. Ibaji bilemdanga asen lima nung dokan amener aser asen kisüjensüba aser alu mapa nung inyakterem taküm aser senso ayak indang shisadangdir, kisüjensüba mapa nung nisung kar dak alaka Muslim nung dokan kibur aser mapa inyakterem ajakji Bengali oshi jembiba Muslim nung asütsü, anungji parnoki jembiba oshi jagi parnokji Bangladesh nungertema ta jangjar. Item Bengali oshi jembiba Muslim nungertemi asen oshi kanga melaa angazüker aser asenok asoshiho achiajem nunga, ak shi dak alaka, tanga chiyongtsütembo mashishii ajak achir. Aji oda, lia lia Muslim nungertem aikati , Ao tsürtema dena, Naga tsür aika agiogo aser joko tangbo, talilsa, Niuland lenbo pparnok teimba aser tesashiba kümogo. Item kinungertemji kar Bangladesh aser kar Assam nung alitsü südi. Iba jagi tang Assam nungi meindokertem aika pei ki osettem takaba ajak gari nung oshir, Nagaland-ji par tetsü taso lima ama bilema yangji jenoktsü arur. Iba jagi Nagaland nung Bangladesh nungi arurtem aika senso kuma aliba kuli sayur. Aji oda, Assam nungi jena gari nung takaba jaka oshir Nagaland-i aruba tetezüji Nagaland nung par yimer aser kinunger tajung lir ta bilemdi. Kena asenok tia ajung, tang Dimapur nung, mapa kuma mamshitetyonga, ILP amshitsü asoshiho ozüng kümadoker asüba agi, Nagaland süngküm ajanga ILP mabenbo maitdaksüi nokdangteter. Aji oda, tang nungi ano asentenshir Nagaland government-i Dimapur, Niuland aser Chümukedima district-tem nungi tenzüker Nagaland ajaklen ILP ozüng mapa kuma inyaksü tenzüksütsüla aser Municipal aser Town Committee purtemi tsümartem nem dokan lapoka amentsü temelaba agütsür aliba ya ita trok mapang agütsür katitsütsüla aser parnok melen Naga nungertemi dokan shishilembaba mapa ya inyak tenzüksüla. Kodang, Nagaland nung tsümartem nem dokan amenba mapa ya magütsüli, asen nisungtemi amentsü aser parnok oa adoktsü. Atangji, tsümartemi asenok mlen inyakba mapaji dokan shishilembaba mapa dang masü saka taxi aser auto gari anishiba mapatema dena lir. Ajisüaka, Nagaland nung Naga nung lanurtem ya ano tenük mapha, kechiyong Nagaland nung lanurtem pei-i jangraba shishilembaba mapa inyakdaksütsü asoshi , tatishitsü agi, Dimapur nung Development Authority purtemi Naga Shopping Arcade (Super market) ki yanglutsü saka yangjia tsümartem teimba menaa angutsü. Iba denji Nagaland nung taxi gari amshiba sentong ya lanurtem nem mapa agütsüba sentong ka lir, saka Dimapur nungbo taxi anishirtem dang masü , auto rickshaw anishirtem ajak amai tsümartem lir. Itemji teimbaka Bengali oshi jembir Muslim nung asütsü. Joko, America aser Assam nung dang masü saka lisopur lanurtem asoshi tarutsü anogotem indang bilemja, Nagaland nunga bendanger o senso pur na bendangteta alitsüla aser senso purtem kazüadang bendangertem nem mapa inyakdaksüba sobaliba tamajung ya endoker, mapabo sensosangertemi teinyakba inyaksüla.

OLEMSABANG

Sorkar aser Arogo "Service Rules" medemdangba (Research findings)

A. M. TOSHI JAMIR (Dimapur)
Retired DIRECTOR (GoN)

(Yashi adok nungi...)

State Government tenzüker kati aibelenra bushidanga aodang, aibelener - i pa/la maibelenba kuli magatsütetra aser merenshitsüsa kümra,merenshitsü asoshi THE NAGALAND SERVICE (DISCIPLINE AND APPEAL) RULES,1967,nung item ya agüja lir.MINOR PENALTIES (temerenshi tilatem)- (i).CENSURE (ARTSÜBA/METONGSHITSÜBA); (ii).WITHHOLDING OF PROMOTION;(iii). RECOVERY FROM HIS PAY THE WHOLE OR PART OF ANY PECUNIARY LOSS.....;(iv).WITHHOLDING OF INCREMENT OF PAY ; MAJOR PENALTIES (temerenshi tulutem itemi)- (v).REDUCTION TO A LOWER STAGE IN THE TIME-SCALE OF PAY FOR A SPECIFIC PERIOD.....;(vi).REDUCTION TO A LOWER TIME SCALE OF PAY, GRADE, POST OR SERVICE WHICH SHALL ORDINARILY BE A A BAR TO THE PROMOTION OF THE GOVERNMENT SERVANT TO THE TIME-SCALE OF PAY,GRADE,POST OR SERVICE FROM WHICH HE WAS REDUCED.....; (vii).COMPULSORY RETIREMENT; (viii).REMOVAL FROM SERVICE WHICH SHALL NOT BE A DISQUALIFICATION FOR FURTHER EMPLOYMENT UNDER THE GOVERNMENT; (ix). DISMISSAL FROM SERVICE WHICH SHALL ORDINARILY BE A DISQUALIFICATION FOR FUTURE EMPLOYMENT UNDER THE GOVERNMENT. Sorkar tenzüker tem, talisa saksalemdaksütsü atema 22.04.2025 anogo nung Government Order ka adok.Tasoba küm 50 aser tenzükbba küm 20 abensar alirtem shirnoki lezmüksüba mapa makoker item nemji PREMATURE RETIREMENT agütsütsü(whose integrity is doubtful; if there is a sudden and steep fall in the competence, efficiency or effectiveness of a Government servant). Ano Sorkari 22.05.2000 anogo nung Order ka adok (PROHIBITION OF SEXUAL HARASSMENT OF WORKING WOMEN:"NO GOVERNMENT SERVANT SHALL INDULGE IN ANY ACT OF SEXUAL HARASSMENT OF ANY WOMEN AT HER WORK PLACE". Sorkar-i mapang mapangshia densa repranger Order adoka tenzükertemji azüoker.Note: tenzüker ka dak kodang aibelenba tsüngsü ngudir,telongi ia bushidangtsü asoshi pa/la-ji mapai marudaksüi atadaksür (SUSPEND/ SUSPENSION).Iba ya temerenshi ka masü.Joko Arogo nunga temalen agüja aliba tazüokba/ temerenshi temji karbo amshiba ngua arudagi.

Toklang tenzükertem kümdangtsü /azüoktsu atema olen kar meinoksemra ibaji Service Rules tabensa masü.Service Rules kaket tabensaba akümtsu atema, joko Arogo Service Rules nunga tekümdangtsu-O enoksemba angur.Yangi Arogo-tem Service Rules kaket-tem kar nungi agiteta, tangar Arogotem lenitsü asoshi sayur:

- full-time tenzükeri kari aibelen ajanga tenüng menük bener arura Deacon Board-i kuli tejangja bushir action akitsü;
- tenzüker ka libaliro nung Arogo temzüng aser lai tesayuba anema mesüra Baptist tamang mapa nung tashishitsü mapa inyakba metetra mapa nungi anendaksütsü;
- toklang tenzüker ka aibelenba mesüra taküm libaliro tim masüba ajanga tangar metsüdaksüsa ajitetra pa/la tenzükbba mapa nungi anentsütsü.
- tenzüker ka libaliro nung Arogo temzüng aser Lai tesayuba anema mesüra Baptist tamang mapa nung tashishitsü inyakba metetra mapa nungi ita asem tashi nung anendaksütsü.

Note: Service Rules kaket ka nungbo tongtipang oren ka yamai zulua angu:

"AROGO NUNG MEPETMESÜ KEN-O KAR ADOKRA DEACON BOARD MAJANGI TANGAI AOTSÜ MEMELAR". Tarutsü nung , Arogo/ABAM Court-i aotsü/maotsü indang onük jembitsüsa kümra, item rizünga akaba record-tem teyari agitsüla: ABAM Inti Mungdang dt.04.06.2024,Impur,Minutes serial number 10. Aser ano Civil Judge, Senior Division Mokokchung, Nagaland, JUDGMENT & ORDER dated 23.05.2025.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Mexico City nung ketdangsertemi Assemblies of God kiojen agiadok



July 18, 2025 nü Mexico City nung National Guards, Attorney General's Office (FGR) aser Criminal Investigation Agency (AIC) nungi ketdangsertemi Assemblies of God indang Anna Sanders Theological Seminary nungi osettsüset agizüka gari nung oshiketdang tangokba noksa nung angur.

July 24, 2025: July 18, 2025 nü Mexico City nung National Guards-i National Council of the Assemblies of God indang Anna Sanders Theological Seminary mita ao; ketdangsertemisa "Jesus Christ Light to the Nations" Christian Church, Assemblies of God indang Southern District offices aser Christian bookstore Recursos Cristianos Kerygma mita ao.

National Guard, Attorney General's Office (FGR) aser Criminal Investigation Agency (AIC) nungi ketdangsertemi ajungbena mita aoba sülen Arogo meyong osettsüset aika agizüka bener oadok.

Anna Sanders Seminary nungi Laishiba, Khristan kakettem, kongki balala, nija oset balala aser oset aika oshizüka bener ao. Tesüiba küm 55 tsüngda iba Seminary nung training agirtem rongnungi pastor aser evangelical lenir meyrjang aika adokogo.

Iba sülen ketdangsertemi iba seminary aser Pentecostal Christian Church "Jesus Christ Light to the Nations" Tenla ki shibangtsüogo.

Anna Sanders Seminary ya ali square meters 10,000 dak

tema nung amenoka lir.

Osang angazükba agi, iba seminary amenoka aliba kimong nungji akhidang aliba kiojen ka lir, anungji iba tesem ya 'cultural heritage site' lir ta police-i metetdaksü.

Seminary nung staff kati, yaküma ketdangsertemi iba kiojen agitsü meranga liasü, ta ashi.

Kerygma Christian bookstore nung staff kati, "Onoki bookstore nungi kecha magizükteti liasü. Tarutsü nung kechi ataloktsüar memetet. Iba bookstore nung kaket meyrjang aika lir," ta metetdaksü.

Seminary nung tesayur kati, "Onok ya ozüng alema inyaktertem ama police-i onok longbanga liasü. Tsüngremi onok dang aochiang ta sarasademer," ta metetdaksü.

Seminary nung deputy director, Miguel Ingel Solks Osorno-i, onoki iba tatalokba anema Mexico City ketdangsertem den tongtepratepdar, ta metetdaksü.

Assemblies of God-i sangdong ka ajanga, Seminary kimong nungji akhidang nungi aliba kiojen ka lir, aser ibaji

National Institute of Anthropology and History (INAH) kübok wazüka lir, ibayongji seminary nungi ajak aienshidaktsür, ta metetdaksü.

Assemblies of God-isa, anogo ishika tejaklen onok nem osang jelia memetetdaksüi Arogo meyong kiojen mita arua osettsüset apuba ya tim masü, ta metetdaksü.

Arogo lenirtemisa, parnok indang lawyer temi temepishiba ken o benoktsü, ta metetdaksü.

August 26 nü Arogo lenirtem aser Mexico City nung ketdangsertem tsüngda angatetteptsü.

Tang tashi nungbo iba tatalokba dak sendakba nung Mexico City sorkar aser federal sorkar napronglai sangdong kecha magütsü.

INAH website nung shia aliba agi, 1571 küm August 23 nü Tenla ki asütsü atema Archbishop-i license ngua liasü aser city council-i iba atemaji Arogo nem ali agütsü.

1959 küm July 8 nü Ministry of Public Education-i sangdong ka ajanga, Aso 16buba nungi Aso 19buba mapang nung asüba yimsü dak sendakba kiojen ajakji "Historic Monuments" lir, ta metetdakja liasü.



Kanga nüngdaka aliba mapang Ao Baptist Arogo Diphupar, Christian education ministry ajanga acha-ayanga apokatsü ajak teperi bener 21-23 July ozü Old Showuba Ao Baptist Arogo (OSABA) nung VBS ka Kanga temoatsü ngua agütsüogo. Tongtipangsa Mrs. Imtisenla, CED, Mrs. Moanaro, Miss Watila, Miss Sentinaro aser Mr. Lipok anibelem jenti agia tanurtem nem tesayuba tajung aika agütsüogo. Arogo-i Ao Baptist Arogo Diphupar aser tesayur ajak dang kanga pelar ta OSABA Pastor M. Yanger Ozüküm ajanga lemsatep.

ANOGO ABEN TSÜNGREM DEN

Nisung Yimya - Lipok 1:24-31

Atangji alima nung aliba shiruru dang nungi meimchirji balaka asü ? Shiruru lima nung meimchir indang shisadangtsübaji kuli aika lir. Tanga shiruru ama pa asor, tangu sashir, achir, mejanger aser asür.

Kechi nung balaka ? Khristan theologyji nisungji Tsüngrem mesüka yanglu ta ashir (Lipok 1:27). Shiruru yamaji masü. Teyangluba nung nisungji balaka yanglu ta sangdongbaji asenoki metettsü tenüngdaktsü. Pa Tsüngrem dang nungi teküpbokba kechiaser pa Tsüngremi yanglu, pa shiruru dang nungi temaba kechiaser pa Tsüngrem mesükba nung yanglu.

Atangji asenok tetsübutsü ka aser tesüngmangtsü ka yanglu (T.Ken 139:14). Itemi shisadangang: Laishibai ashir, asenok shiruru dang nungi temaba. Süra kechiba aikati akhüm dang nungi teküpbokba nung shiruru jakla ama alir aser inyaker ? Meimchir libaliro ajak nung asenoki shibai asenok Pa mesükba nung yanglu, Pa ama alitsü merangtsüla.

Ne tashikang akhüm kübok ni miimang : tenükjang ama ni kümzükang. T.Ken 17:9.

Kechiyong shibai nenok dak kongshir Pai pei nükjang nung kongshir.

Chhattisgarh nung Khristan kibong ka yimdak nungi meindok

July 24, 2025: Chhattisgarh state kübok yimtsüng ka nung nisung ka tenüng agi Vikram aser pa kinüngtsü na den par tanur ajaki Khristan yimsü agizüka liasü, ajisüaka tawa yimdak Hindu nungertemi pa dang Hindu yimsü dangi meyipang ta tetuyuba agütsü, ta International Christian Concern (ICC)-i metetdaksü. Yimdaklirtemi Vikram dang ner kibong ajak Hindu yimsü dangi tanaben meyipang mesüra yimdak nungi meindoktsü, ta metetdakja liasü.

Vikram-i, par kibongi Khrista metoktsütsü, ta langzüba sülen yimdaklirtemi senden ka ayongzüük. Senden nungji yimsüsür kati, Vikram'er kibong züngsem ajak Khristantem lir, aser parnoki Hindu yimsü dangi meyiptsü memelunger, anungji par kibong yimdak nungi meindoktsü, ta sangdonga liasü.

Kobi melii lokti ka Vikram'er kidangi aoba sülen ki osettsüset aser chiyungtsü ajak lenmang nungi agizüka yutsü; ano karibo Vikram'er jala asem mezüngmeshia liasü.

Tamalen-a yimdak Hindu nungertemi Vikram'er kibong dang Khristan yimsü toktsür Hindu yimsü dangi meyipang ta rongshia liasü.

Tawa Vikram'er kibong yimdak nungi meindokba sülen anogo ka lir pai local police station kati oa ken o benoka liasü. Iba sülen police-i iba yimdak jagi oa yimdaklirtem dang par kibong tanaben yimdaki arudakjang ta mepishi, ajisüaka yimdaklirtemi magizük.

"Khristan kibong jagi Hindu yimsü dangi memeyipra yimdaki tanaben marudaktsütsü," ta yimdaklirtemi police dang ashi.

Tamasabo Vikram-i yimdak nungi kilometer ishika pilar aliba arem nung khenpiga alitsü atema tejenokdak ki ka asü. Iba tatalokba osang angashiba sülen International Christian Concern (ICC) staff kar iba tesem jagi oa par kibong nem chiyungtsü, süoshi aser süki agütsü.

Tang India nung anti conversion ozüng benoka aliba state 12 rongnung Chhattisgarh densema lir.

AO OSHI ANGAZÜKDAK: TANÜ ANGAZÜKTSÜBA OJANG



Tir Yimyim


Teroro

- (n) kanga chinüyongnüba (gluttony, excessive appetite)
* Tebang teroro alidakbo chiyongtsü agi meperir.

Terotu

- (n) anepdang o anüngdang na tsüngda mapang (forenoon)
* Terotu mapangbo mapa inyaktertembo kidang malir.

OLONG PAITEP # 7218



TIPLÉN

1. Temesüktep
5. Tenük masüng
6. Lenden masü
8. Anük_____
11. Watitepba
12. Tezülen
14. Taruba anogo
16. Tenüng kasa
17. Shisa_____

LANGTSÜNGLEN

2. Sot
3. Temolung tulu
4. Asangur
6. Tzü-i meketbanga aliba tesem
7. Ken dang masü
9. Sü arba lisü
10. Reprang
13. Kisüng
15. Te_____t

OLONG PAITEP # 7217 TELANGZÜBA

TIPLÉN :

1. Pangka, 3. Aju, 5. Wai, 6. Lokti, 8. Sala,
10. Atamata, 13. Züin, 14. Akima,
16. Ano, 17. Ama, 18. Nungzü.

LANGTSÜNGLEN :

1. Penlok, 2. Awa, 4. Jakla, 7. Taten,
- (tatentep), 8. Sutok, 9. Ama,
11. Anaknü, 12. Rünem, 15. Hon.

NAI-A YA METETTER MA TZÜ SHILEM



Nisung ka chiyungtsü kecha machiyonga ita ka tashibo taküm alitsü saka tzü mejemibo hopta ka shi dang alitsü akok. Asenok temang ajunga nung aliba tzü ya kodang noklang shilem nung ka (1%) agi ajema kümdir idangji tzüratsü. Ibaji noklang shilem nung 10 agi ajema kümra süadoktsü!

TADC-i Assam nung ozüing alema ali atsünger alir mintokba pusemer

Guwahati, Chiteni/July 24 (Agencies): Tai Ahom Development Council (TADC) mendenbuba Mayur Borgohain-i, Assam kübok tesem balala nung ozüing alema ali atsünger alirtem mintokba pusema jembiogo.

Himanta Biswa Sarma-i aniba sorkari nisung meyirejang aika pei talidak kidang nungi mintokba dak sendakba nung mepetmesü ken o adoker aliba dak sendakba nung telangzüba agütsüba mapang TADC mendenbubai iba olen lemsatepa liasü.

"Assam nungertem liyonga aotsü atema ozüing alema ali atsünger alirtem mintoktsü ya

nüngdak lir. Assam nung nisung kar mintoka state sorkari mapa tajung ka inyakdar," ta Borgohain-i ashi. Assam kübok Sivasagar district nung Balighat nung amendaker aliba Shiva Mandir sen lakh 40 intoka yanglushiba nung 'lai khuta' (tongshi tongtiba) amenokba sentong agiba sülen Borgohain-i iba olen lemsatepa liasü. Borgohain ya 2021 küm assembly elections nung Nazira constituency nungi BJP candidate ka ama toktep saka pai Congress party nungi Debabrata Saikia tera agi mekoki liasü.

Pa 2026 küm assembly elections nung tokteptsü

metokteptsü ta asüngdangba mapang taoba mapang Sivasagar district BJP tir yagi, "shiba party-i saklokdir mesüra shibai party tejakdangi anir odir paji Nazira constituency nungi BJP tenüng nung tokteptsü atema maongka angutsü," ta ashi.

Borgohain-i ashiba agi, TADC-i Ahom nungertem lenl ajak nung terenlok atema jenjang agia arudar, kong state kübok tesem balala nung Ahom-era monument tem wazüka ayuba, Tai oshi angzükba kaketshirtem nem scholarships agütsüba aser UPSC aser APSC tatidang atema renema aliba kaketshirtem nem coaching agütsüba densema lir.

Manipur nung Indo-Myanmar arrtsü anasa telungpur asem apu



Imphal, Chiteni/July 24 (Agencies): Indian Army, Assam Rifles, aser civil police longjemer taoba ghonda 24 tsüngda Manipur kübok arrtsü nung aliba district tem nungi telungpur asem puogo, ta ketdangsürtemi Brehostibarnü metetdaksü.

Mezüngbuba telungpur ya Bodhbarnü Indo-Myanmar arrtsü anasa Chandel Police Station kübok Sugnu-Chandel lenmang nung apu.

Sepaitem yagi Muolphei, Khoupum, Tamenglong district nung alir United Kuki National Army (UKNA) züngsem Boythong Khongsai, 29 apu. Security personnel temi pa

ket nungi mobile phone ka, SIM card ana, Aadhaar card, Voter ID, ATM card ka aser Royal Enfield Classic motorcycle (registration number MN 02B-0428) ka den iba indang registration certificate nguteta liasü.

UKNA ya Suspension of Operations (SoO) agreement nung sign asüba telok ka masü. SoO ya Kuki nunger telok 25 den Ministry of Home Affairs-i sign sütepa liasü.

Tanga meita aoba sentong ka nung sepaitemisa Tegnoupal district nung Moreh Police Station kübok Border Pillar 73(10) aser Border Pillar 73(11) na tsüngda arem nung

telungpu ana pua liasü.

Telungpur ana rongnung kaji Kakching Khunou yimtsüng nungi People's Revolutionary Party of Kangleipak (PREPAK) züngsem Thingnam Amujao Singh tang jangjaogo.

Tanabuba telungpur ya Yaingangpokpi Police Station, Imphal East district kübok Gwalabi Lamlai yimtsüng nungi People's Liberation Army (PLA) züngsem Kangjam Motea Meitei ta jangjaogo.

Telungpur asemprongla den parnok ket nungi ngutetba osettem police station balala nem bendanga agütsüogo aser ken o maneni bushisüngdangdar.

Meghalaya sorkari DC tem nem tetuyuba agütsü

Shillong, Chiteni/July 24 (Agencies): Assam nung ozüing alema ali atsünger alirtem mintoka aoba mapang state-i ozüing alema bendangertem senoka aitba nokdangtsü atema kümküma atatsü aser jenjang tapet agütsü Meghalaya sorkari deputy commissioner ajak nem tetuyuba agütsüogo.

Assam kübok Barpeta, Lakhimpur, Hojai, aser Nagaon district tem nung ozüing alema alirtem mintokba sülen item nisungtem ya tejenok dak bushia Meghalaya-i aitsütsü akok ta shisabulua bilema aliba mapang tang iba tetuyuba agütsüogo.

Additional Chief Secretary

(Home) Shakil P Ahamed-i district administration tem dang police aser border security agencies tem den longjemer arrtsü meita atatsü tetuyuba agütsüogo.

Assam-i tawa sorkar aser arem ali ozüing alema atsünger alirtem anin tenzükogo. Item nisungtem ya timba kuli kakat tejangja maliba immigrant tem asütsü ta temulung melemi bilemer. Iba sentong benoka inyakba sülen kibong aika talidak makai kümogo aser iba ajanga Meghalaya amala arrtsü nung aliba state tem kanga süoki ia bilem tenzükogo.

Ozüing alema arurtem nokdangtsü atema state-i

jenjang agia aliba nung teyari agüja Border Security Force (BSF)-i inter-state arrtsü tali meita atadar. Ketdangsürtemi ashiba agi, Meghalaya nung BSF sepaitemi tawa kuli kakat tejangja makai state-i aruba aser süia aoba Bangladesh nungertem aika puogo.

Meghalaya sorkari arrtsü kanga kümdanga meita atadar aser arrtsü nung temelaba mali senzügenpongba anema jenjang agütsü renema lir. Ketdangsürtemisa state yimjung nung toktsütsü atema nüburtem aser security agency tem longjemer inyaksü koda tongtibang iba indang nenshia metetdaksüogo.

Nisung 49 mena aliba tayimtsü ka teraksa ngutetogo



Tynda, Chiteni/July 24 (Agencies): Russia nunger passenger plane ka nung nisung 49 mener linük anüdoklen meta talang nung tsükok aser iba lendong nung takum kumzüker kata mali, ta tang tashinung bushiteta lir.

Ministry of Civil Defence, Emergencies and Disaster Relief ajanga Brehostibarnü ashiba agi, An-24 plane ya Siberia nung aliba Angara airline ajanga amshia liasü aser China den arütsü nung aliba Amur region nung Tynda jila nung tayimtsü anentsü anasa radar screens shibang.

tyayimtsü indang fuselage nung mi jangrua aliba ngutet aser iba tayimtsü teraksa ya Amur nung ngutet, ta Emergencies Ministry ajanga ashi.

"Russia indang civil aviation authority, Rosaviatsiya ajanga amshiba Mi-8 helicopter kati tayimtsü indang fuselage ronga aliba ngutet," ta ministry ajanga Telegram nung ashi.

Tenük agi junga mongui alidak tayimtsü ketdangsüri tayimtsü ali nung anendang aibelena iba lendong ya ajurua alitsü akok, ta TASS news agency ajanga ashi.

Iba tayimtsü nung tanur pongu densema passenger 43

aser tayimtsü ketdangsür trok mena liasü ta preliminary data ajanga ashir, ta regional Governor Vasily Orlov-i ashi.

Emergencies Ministry-ibo tayimtsü nungya nisung 40 shi mena liasü ta ashir.

Russia indang Arctic aser far east ama meta talang aser nisung kanga azüngmeyaka alidak tayimtsü senzütsü kanga tetsübotsü lir, kong teti amai tzüngsang-mopung kanga mejungi alir.

Russia nunger aviation safety standards ya kanga melenshia tajungba kumogo, saka meta talang region tem nung tayimtsü tejen iba ama lendong ajuruba ya tasen masü.

2021 nunga Antonov An-26 transport plane tejen ka Russian far east nung tsükoka nisung trok asü. Taoba küm July ita Antonov An-26 twin-engine turboprop tayimtsü nung nisung 28 mener Kamchatka nung tsükoka tayimtsü nung alir ajak asü.

Russia nung mapang shia lendong tulu majuruaka timtem balala ajurua tayimtsü senzüba lenmang melenshitsüsa aser ajungbena anentsüsa akumer.

Thailand F-16 jet kati Cambodia nung tesem kar amak

Bangkok, Chiteni/July 24 (Agencies): Brehostibarnü Thai F-16 fighter jet kati Cambodia nung targets tem nung bomb pokloktüsü, ta linük anaprongi shiogo, kong arütsü mangatettep ka aliba mechi tensa tamajungba kuma tanur ka densema civilian toku tepsetogo.

Mangatettep aliba arütsü leni Thailand-i yoktsü renemba F-16 fighter jets trok rongnung kati Cambodia nung khalokja military target ka raksatsü, ta Thai army ajanga ashi. Brehostibarnep iba rara tenzüikba asoshi linük kati ka dak tai tongloktüsüteper.

"Onoki sentong yanglua aliba ama military targets anema air power amshi," ta Thai army deputy spokesperson Richa Sukswanon-i osangbener dang ashi. Thailand-isa Cambodia den par arütsüa shibangogo.

Cambodia indang defence ministry ajanga ashiba agi, jets yagi lenmang ka nung bomb ana tsükdaktsü aser Cambodia indang sovereignty aser territorial integrity anema mitkari tashiyim amshiba asoshi Kingdom of Thailand aitsür.

Mangatettep aliba tesem nung tawa landmine yuja aliba apokba nung hopta ka tsüngta Thai sepai tanabuba tetetsüng-teben poksatsüba sülen Thailand-i Bodhbarnü menur par indang ambassador to Cambodia inüki meyipa aja aser Bangkok nungi Cambodia indang envoy meindoktsü ta ashiba sülen iba tesem amakba ya ataloker.

Cambodian sepaitemi Brehostibarnep Thai military base ka nung "heavy artillery" khaloktsü aser mozüki ka densema civilian aliba tesemtem amakba nung civilian tem asü, ta Thailand indang foreign ministry ajanga ashi.

"Cambodia-i Thailand indang sovereignty nung aibelena aser nok-nü amshia amakba manenra, Royal Thai Government-i self-defence mera tesashiba agitsü renema lir," ta ministry ajanga sangdong ka nung ashi.

Surin border province nung tanur aser tain tem densema Thai nungertem concrete aser sandbags aser car tires agi yanglua aliba tesem nung jenoka liasü.

"Injang kwi khaloktsü? Züngdangtsü makok," ta mejangjaba tetsür kati Thai Public Broadcasting Service (TPBS) dang jenoka aliba tesem nungi ashi aser iba mapang anasa prangbong aser bomb apokba ola angashia liasü.

Thailand-i tayimtsü amshia amakba ya onoki rara mesüba ajanga masü, ta Cambodia indang foreign ministry ajanga ashi aser par kidanger dang sepaitem anizüker aotsüa aser tarutsü nung tensa tamajungba kumdaktsüba nungi pila alitsü ayongzüka liasü.

Küm 100 dak tema Thailand

aser Cambodia linük ya ali nung long azünga maliba arütsü kilometre 817 nung tesem kar mechi atsütepa arur aser iba mechi mangatettep adoka nisung kar asüba lir.

May ita prangbong agi khien khatepba mapang Cambodian sepai ka tepsetba sülen tensa tamajungba akum.

Brehostibarnep rara ya Thailand yimtiba Bangkok nungi kilometre 360 shi pilar Cambodia aser Thailand arütsü nung mangatettep aliba Ta Moan Thom temple anasa tenzüik.

Thailand indang mitkari sangdong ka nung ashiba agi, arütsülen aliba province asem nung nisung toku tepsetogo aser item rongnung Surin nung arishi küm ti tebur ka dena lir.

"Nüburtem aliba ki nung artillery shell tsük. District ketdangsür temi arütsü anasa aliba yimtsüng 86 nungi civilian 40,000 anizüker tesem balalai ogo. Nisung ana süogo," ta Surin province nung Kabcheing district tekolak Sutthirot Charoenthanasak-i ashi.

Asana Thai Sisaket province nung aliba gas station ka nungi mokozü tanak melem-melema adoka aliba video ka nung nguogo, kong firefighter temi arsanga mi remsepa liasü.

Iba tesem nung nisung trok asü aser ter yiru, ta mitkar temi ashi aser ano nisung ka arütsülen aliba Ubon Ratchathani province nunga tepset ta ashi.

"Cambodia-i nok-nü amshia Thailand nung civilian tem amakba Thai Army ajanga aitsür. Iba ama temulungsentsü tamajung inyakyim nungi ozü nüburtem aser sovereignty kumzüka ayutsü Thailand renema lir," ta sangdong ka nung ashi.

Cambodia-i surveillance drone ka yok aser iba sülen nok-nü tesashi bena aliba sepaitem Ta Moan Thom temple anasai yok, ta mitkari ashi.

Cambodia sepaitemi injang khaloktsü aser Thai sepai ana yiru. Cambodia-i rocket launchers densema nok-nü balala amshi, ta Thai army odongtar kati ashi.

Ajisüaka Cambodia defence ministry indang odongtar katibo, Thai sepaitem arütsü alema aitba yong Cambodia sepaitemi self-defence nung telangzüba agütsü, ta ashi.

Thailand indang action Prime Minister Phumtham Wechayachai-i tensa kanga mejungi lir ta ashir.

"Asenok kanga kumdangtsüla. Asenoki international law sülen anidaktsü," ta pai ashi.

Tawa Thai Ato Kilonser Paetongtarn Shinawatra-i iba arütsülen mangatettep ya phone ajanga Cambodia indang taoba ato kilonser Hun Sen den jembiba temai adoka Thailand yimtenren nung mangatettep adok aser court kati la mapa nungi anenja lir.

GOVERNMENT OF NAGALAND

DIRECTORATE OF TECHNICAL EDUCATION

NAGALAND, KOHIMA

NO. DTE/ESTT-2/02/2025-26/

Dated : Kohima, the th July, 2025.

NOTIFICATION

On recommendation of Common Selection Board, the provisionally selected candidates to fill Nagaland State Reserved seats in **Paramedical. Agri & Allied courses for the academic session 2025-26 based on CUET(UG)-2025 Merit has been declared and uploaded on the Department websitehttps://dte.nagaland.gov.in and the Office Notice Board.** The provisionally selected candidates and all the remaining eligible candidates of the state CUET(UG)-2025 merit list are informed to attend the State counselling **scheduled on 31st July, 2025, (Thursday) at 10:30 a.m.** in the conference Hall of the Directorate of Technical Education, Nagaland, Kohima without fail.

Failing to attend the same shall beassumed as declined of seats.

(Er. VIPULHOU LHOUNGU)

Director

GOVERNMENT OF NAGALAND

DIRECTORATE OF TECHNICAL EDUCATION

NAGALAND: KOHIMA

Dt. Kohima, the th July, 2025

NOTIFICATION

NO. DTE/ESTT-2/4/2016-17/: On the recommendation of the State Common Selection Board, the provisionally selected candidates to fill up Nagaland State reserved seats in **MBBS, BDS, BVSc & AH, BPT, BASLP, BHMS, BAMS** courses for the academic session 2025-2026 based on the **NEET (UG) - 2025 Merit has been declared and uploaded on the Department website https://dte.nagaland.gov.in.** The provisionally selected candidates and all the remaining eligible candidates of the State NEET-UG 2025 Merit List are informed to attend the State counselling scheduled on 30th July, 2025, (Wednesday) at 10:30 a.m. in the Conference Hall of the Directorate of Technical Education, Nagaland, Kohima without fail.

IMPORTANT:

1. This is a provisional selection/result and is subjected to change depending on the availability of anticipated seats and options exercised by the candidates.

2. Failure to attend the State counseling shall be assumed as declined and their candidature for selection and nomination to MBBS and allied courses and BVSC &AH shall be forfeited.

3. All selected Candidates at the State counselling are to submit 10 passport photos.


4. State quota Seats are displayed on the Departmental website mentioned above, for reference

5. No separate calling letter for State Counselling shall be issued.

(ER. VIPULHOU LHOUNGU)

Director

Unnati Hooda-i Sindhu tsükdaktsüogo; Rankireddy aser Chirag quarter-i iogo



UNNATI HOODA

Chiteni/July 24, 2025

(Agencies): Tang asaya aliba China Open 2025 nung Brehostibarnü tetsür kija asaya round of 16 nung Unnati Hooda-i külem India tsür PV Sindhu tsükdaktsüogo.

Changzhou nung iba asaya ya Hooda-i 21-16, 19-21, 21-13 agi koka liasü. Sindhu den asaya ya ghonda ka dak tera

tali asaya liasü.

Asaya nung Hooda-i mezügbuba asaya ya ayong ayonga kokatok saka tanabuba game bo Sindhu-i kanga meranga asayar koka liasü. Ajisüaka deciding asayaba mapang Hooda-i asaya dak ranglokshir asaya aser asaya kanga junga koka liasü.

Arishi küm 30 tain

Sindhu-i iba asayamung mezügbuba round nung Japan tsür Tomoka Miyazaki 21-15, 8-21, 21-17 agi koka liasü, koba lai taküm mezügbuba top-10 nung aliba asayar ka akokba liasü.

Kasa mapang nung arishi küm 17 tain Hooda-i mezügbuba round nung Scot Kirsty Gilmour 21-11, 21-16 koka round of 16 nung Sindhu den asayatsü maongka nguteta liasü.

Kasa asayamung tebur tarep asaya nung Satwiksairaj Rankireddy aser Chirag Shetty nati 21-19 21-19 agi eighth-seeded Indonesia nung tarep Leo Rolly Carnando aser Bagas Maulana na koka quarterfinal-i iogo.

Ajisüaka tebur kija asaya nung HS Prannoy bo tia maka tsükogo. Tanabuba round nung pai kanga meranga asaya saka Chinese Taipei nung sixth seed asayar Chou Tien Chen 21-18 15-21 8-21 agi mekoki liasü.

Abhishek Singh Mohun Bagan SG nung denogo

Chiteni/July 24, 2025 (Agencies): Mohun Bagan Super Giant-i Brehostibarnü sangdong ka ajanga Punjab FC nungi full-back Abhishek Singh Tekcham den küm pezü atema tenangzüktepba yangluba sangdongogo.

Manipur nungi arishi küm 20 tain asayar yagi Indian Super League 2024/2025 season nung Punjab FC nungi tongtambang shilem agia liasü. Pa ISL nung asaya 22 nung shilem agi. Iba masüdag taoba season pa Punjab FC

nungi Indian Super League nung 12 ben asaya aser iba mapang assist ana süja liasü.

"Linük nung club tulutem aikati kü nem maongka agütsü, saka ni Mohun Bagan Super Giant shim, kechiyong iba club ya linük nung No. 1 club lir. Nai Mohun Bagan nungi championships koktettsü. Takok marok koktettsü aser nükjiding tongtettsü," ta Abhishek Singh Tekcham-i ashi.

"Parnoki tanen makai takok marok anguba ajanga parnok

den adentsü ajungmesoa liasü. Iba club ya title atema tokteper rongnung teti dena alir. Ni iba club jersey semer title tem abentsü nükjiding lir," ta Abhishek Singh Tekcham-i club nung adenba sülen ashi.

"India nung nungtugu football asayatem aika idaki lir. Parnok den training agiba aser asayaba ajanga ni ajangzüktü. Ni India tenüng nungi asayaogo, saka ni AFC Championship asayatsü nükjiding lir. Iba nükjiding ya tongner," ta Abhishek-i shisem.



School of Football Nagaland aser Dynamic Sporting FC Bangalore na longjemer Residential Program 2025-26 atema U-13, U-15 aser U-17 asoshi trial ka July 22 aser 23 nü Chumoukedima nung agiogo. Nagaland nungi asayar 18 shimogo aser parnok Dynamic Sporting FC, Bangalore nung training agitsü aser parnok ya Karnataka State Football Association League, Double Pass Development League aser Amateur League amala nung shilem agitsü. Selection trail ya French Certified Coach Abedayo aser School of Football Nagaland ngutetsang Kivi Zhimomi, aser School of Football Nagaland tir Alemtemsu Longchar nungeri anir agia liasü.

Medal angur tem senpettsütsü

WORLD BOXING CUP

New Delhi, Chiteni/July 24 (Agencies): Boxing Federation of India (BFI)-i, Brazil aser Astana, Kazakhstan nung tawa World Boxing Cup asayaba mapang medal anguba India nung asayatem nem senpet sen lakh 17.5 agütsütsü ta sangdongogo.

Iba scheme kübok gold medallist ajak nem sen lakh 2, silver medallists nem lakh 1 aser bronze medallist tem nem sen 50,000 agütsütsü. Liverpool nung World Boxing Championships aser New Delhi nung World Boxing Cup Finals asayatsü lia asayatem maneni ajungmesotsü nükjiding nung federation-i iba jenjang agiogo.

BFI tir aser Interim Committee mendenbuba Ajay Singh-i, asayatem nem tenügsang agütsü aser ashiba agi, India team-i gold medal pezü densema medal 17 nguogo aser iba ajanga international boxing asaya nung India jenjang sayur.

"International jenjang nung kanga junga asayaba atema ni boxer tem nem tenügsang agütsü. Onok mapa süngjang tangdar. India-i mezügbuba cup ana nung kanga junga asayaogo aser tang alima nung jenjang pongububa nung lir.

China-i junior, sub-junior aser elite category tem atema strategic partnership ka asoshi onok den tongtepogo aser iba ajanga tangari Indian boxing akümtsübuba sayur," ta pai ashi.

Medal angurtem rongnung Sakshi (54kg), Jaismine Lamboria (57kg), aser Nupur (80+kg) nung densema liasü, shirnoki Astana nung gold angu aser Hitesh Gulia (70kg)-ia Brazil nung gold medal ngua liasü. Hitesh-isa Kazakhstan nung silver medal angu aser Abhinash Jamwal-i (65kg) silver medal ana ngua liasü.

Silver medal angurtem rongnung Pooja Rani (80kg), Minakshi (48kg), Jugnoo (85kg), and Sanju

(60kg), Nikhil Dubey (75kg) nung densema liasü aser Narender-ia (90+kg) bronze ka angu. Brazil leg nung Jadumani Singh (50kg), Manish Rathore (55kg), Sachin Siwach (60kg), aser Vishal (90kg) nungeri bronze medal angu.

India nung nungtugu boxing asayar aser iba sentong nung tongti tejaoker Vijender Singh-i asayatem nem tenügsang agütsü aser takok angutsü atema maneni tsüra alitsü ajungshia liasü.

Markram, Bavuma na South Africa team nung züngoksemogo

Chiteni/July 24, 2025 (Agencies): South Africa cricket team white-ball captain Aiden Markram aser Temba Bavuma na lenisüba nung taruba ita Australia nung oa T20I aser ODI team tem asayatsü.

Zimbabwe den Test aser T20I asayaba mapang Markram anisüngzükdaktsü aser kasa mapang nung Bavuma June ita World Test Championship (WTC) final asayaba mapang hamstring yiruba sülen Zimbabwe den Tests asaya nung masayatetsüsa aküm.

Selectors tem rongnung convenor tasenba Patrick Moroney-i August 1 nü pa mapa agizüka metenzük tsüingda hopta ka jelia Australia den asayamung atema squad sangdongogo, koba tetezü all-format selector Shukri Conrad-i tatembangbuba squad shimogo.

South Africa team nungi teti asayatem rongnungi Marco Jansen aser David Miller na dang team nung mezüngoksem. Jansen ya WTC final asayaba

mapang teka tabelen nung temeyong jemtsüba yiruba tang tashi taneptsü mongui lir, aser Miller Hundred asayamung asayatsü aliba ajanga team nung meshim. Pa September ita South Africa team England nung oa white-ball asayamung asayatsü aliba nungbo asayatsü imlar.

Iba asayamung nung bowler tem ya Kagiso Rabada aser Keshav Maharaj lenisüba nung asayatsü, ajisüaka Maharaj T20I squad nungbo mali. Pa melen left-arm spinners George Linde aser Senuran Muthusamy na legspinner Nqaba Peter den külemi asayatsü. Tenaprongla Zimbabwe nung asayadar.

T20I squad

Aiden Markram (capt), Corbin Bosch, Dewald Brevis, Nandre Burger, George Linde, Kwen Maphaka, Senuran Muthusamy, Lungi Ngidi, Nqaba Peter Lhuan-dre Pretorius, Kagiso Rabada, Ryan Rickelton, Tristan Stubbs, Prenelan Subrayen, Rassie van der Dussen

BILEMDANGANG

Tangari lidaktsünüba ama masü saka nai linüba ama liang."